

PAPAKILO

Hawaiian Newspapers Collection [Menu](#) ▾

Translate
www.hawaii.org

Ke Aloha Aina / 1 June 1895 / KA MOO CHAMELONA !!! Nui ke Pahaohao Iaia.

Ke Aloha Aina, Volume I, Number 2, 1 June 1895 — KA MOO CHAMELONA !!! Nui ke Pahaohao Iaia. [ARTICLE]

[Back](#)

KA MOO CHAMELONA !!!

Nui ke Pahaohao Iaia.

I ko makou heluhelu ana i na olelo a ke Kuhina Kakina imua o ka Hui Amerika i ka po nei (Mei 29), ua nui ko makou pahaohao no kana mau manao i hoopuka ai, a i ko makou hoohalike ana ae me kana mau olelo o na la i hala aku la, ua ike makou i ka like ole a me ke ano e loa o na manao mai loko mai o ke kanaka hookahi.

Mamni o keia ano e o na olelo, ua hiki ia makou ke hoike aku imua o ko makou lahui Hawaii i kona ano e like ai.

Ua ike keia me keia wahi moo kupaiianaha ma na aina e, i ikeia ma ka inoa Chameleon, (Kameleona). Ekolu ano like ole o keia wahi moo i na la a pau loa, i ke kakahiaka, he ano okoa kona, nani a o lino melé-mele me he gula la; a i ke awakea, loli ae la oia a lilo me he poohina la i uhiia e ka hinuhinu ke nana aku; a i ke ahiahi, kahuli loa ae la kona ano a, lilo me he omole bolu la.

O na poe malihini i maa ole i ke ano o keia wahi moo, e kuhihewa ana lakou, he mau ano moo like ole keia ekolu ana i ike ai, aka, o ka poe kamaaina nae, aole lakou e kuhihewa, he hookahi no ia moo, aka, ua loli mau nae, kona waihoooluu he ekolu manawa i ka la hookahi.

O keia ka makou e hoomaopopo nei i ke ano o ke Kuhina Kakina ma kana olelo ana. he

like loa ka loli ana me ke Kameleona.

I kona manawa e noho ana he Kuhina iloko o ke aupuni Mo'i, he okoa ko ia wa olelo, a pela no i kona wa e noho ana he hoa no ka ahaolelo Mo'i o 1892.

Ua hoike ae oia, he Hawaii oia, ua hanauia oia ma Hawaii nei, ua aloha oia i keia aina, a me ka lahui Hawaii, a ua hauoli loa oia ke ike i ka mau o ka welo ana o ka hae nani o Hawaii nei.

Aka, i ke ahibhi nei, ua hoike ae la kekahi ano o Kakina, ua paa kona manao no ka hoo-hui aina me Amerika, a ua makemake oia e hoomaluhia o Hawaii nei malalo o ka hae Amerika, a pela aku.

O ka mea a ka Lahui Hawaii i ike ai, oia keia. O keia Kakina no kekahi i holo no Amerika ma...

...ma ke ano ne komi-
sina no ke Aupuni Kuikawa
iloko o Ianuari 20, 1893.

Heaha la ka lakou mea i hana ai? Eia, ua hoike ia mai ma na moolelo o na hana, ua olelo aku lakou, ua ae aku ka "Lahui Hawaii i ka hoo-hui aina." Aka nae, i ka huliia ana o ka oiaio o ia olelo, ua hoole loa ia.

He aneane elua ae nei ma-kahiki i hala ko Kakina hoo-ikaika ana e loa ka ae ia mai o ka hoo-hui aina, a pehea i keia wa? Aole no! Ua holo mai o Kakina me ka haalele ana i kona Keena Oihana Kuhina ma Wasinetona! No ka mea, wahi a ka hoike a Gresham, ua hana oia i kekahi mea kua i ke ano o ka pono o ko Amerika Luna Aupuni ma Hawaii nei. Ua ae o Kakina i kona hewa imua o Kuhina

Gresham, a ua koiia o Kakina
e kakau i kona miffi ana ma ka
palapala, aka, ua hoole iho la
oia, a holo loa mai nei i Ha-
waii nei.

E makaala ia oukou i na poe
kaula hoopunipuni ke hele mai
lakou imua o oukou. Ka poe
i aahu ia me ka huluhipa, aka,
maloko nae, he ilio hihii hae
lakou.

This article has been automatically clipped from the Ke Aloha Aina 1 June 1895, organised into a single column, then optimised for display on your computer screen. As a result, it may not look exactly as it did on the original page. The article can be seen in its original form in the [page view](#).